



彼年的歇熱

阮阿爸生兩個查某囡、一個後生，雖罔我是一个查某囡仔，毋過阮爸毋並無重男輕女的觀念，個閣特別疼我。可能是這個緣故，致使我有淡薄仔壓霸的個性。就連厝邊頭尾的囡仔伴相招欲去迺迺的所在、欲要的物件、欲要蹠蹠雞抑是青紅燈，攏愛經過我同意才會使，無我就會佻人起呷面。

會記得欲升國校仔四年的歇熱，拄著外媽個兜附近的媽祖宮咧做醮，彼是二十年才做一擺。因為這個機緣，我才會當仔外媽兜加蹠幾若工。彼幾工，廟埕攏有戲班輪流咧搬戲，除了歌仔戲以外嘛有布袋戲。

有一工早起，外媽共我叫精神，叫我緊去食早頓。因為泔糜仔傷燒，欲等伊冷的時陣，我就去提阿姪的尪巾做戲服，佇門口埕唱王寶釧苦守寒窯十八年。唱甲當熱的時，雄雄聽著一句「啥人狗聲乞食喉，也敢唱甲遐大聲，真毋知見笑！」越頭一下看，原來是孀婆個孫，彼箍鼻頭明仔。「你也敢嫌我唱了無好聽。無！你是有佻勢？」我見笑轉受氣閣繼落去講：「拜託一下好無，一个查埔囡仔，透早就咧沃花，你按呢毋才是袂見笑！」

鼻頭明仔予我罵煞了後，氣甲一个面膨獅獅，閣一直共我罵，罵甲額仔頸筋強欲煽斷全款。毋過，相罵是我的本領，大戰數回合了後，我看伊若像欲掠狂的款，目屎含咧緊走入去厝內討救兵。無佻久，外媽就來問我是啥物代誌？我就自頭到尾講予外媽聽。外媽聽了就講：「你這個查某囡仔哪會按呢？行！我恁你來去人兜會失禮。」

外公、阿舅下班轉來了後，聽著這層代誌，個攏講我真害，後擺袂使閣按呢矣。阿舅笑講：「真正是惡馬惡人騎，胭脂馬去拄著關老爺。」我頓頭講：「恁毋知彼个鼻頭明仔伊佻歹咧。看伊氣怱怱，強欲共我拆食落腹的款，驚就驚死矣，無後擺矣啦。」

自這層代誌發生了後，我真正變甲加真溫柔，尤其是去搪著彼箍鼻頭明仔的時。

作者：徐禎偵

☆詞彙學習☆

- | | |
|--|---|
| 【壓霸】ah-pà：惡霸。霸道、蠻橫不講理。 | 【狗聲乞食喉】Káu-siann khít-tsiáh âu：形容人講話或唱歌，聲音難聽。 |
| 【蹠蹠雞】tshiáng-kha-ke/
tshiáng-kha-kue：跳房子、跳格子。 | 【惡馬惡人騎，胭脂馬拄著關老爺。】Ok-bé ok-lâng khiâ, lan-tsi-bé tú-tiòh Kuan-ló-iâ：比喻一物剋一物。 |
| 【起呷面】khí-phuì-bīn：翻臉。 | 【拆食落腹】thiah-tsiáh-lòh-pak：併吞、生吞活剝。 |
| 【泔糜仔】ám-muê-á/ám-bê-á：稀飯。 | |
| 【尪巾】āinn-kin/iāng-kun：背小孩的背巾。 | |